

ՊԱՏՄԱ - ԲԱՆԱՄԻՐԱԿԱՆ

ԻԳԻԹ ՂԱՐԻԲՅԱՆ

Պատմական գիտությունների դոկտոր

ՆՐԱՇԱԳՈՐԾ ՍՈՒՐԲ ԳԵՂԱՐԴԸ

«Այլ զհնվորներից մեկը տեգով խոցեց նրա կողը,
և իսկույն արյուն և ջուր ելավ»:
(Հովհ. ԺԹ 34)

Էջմիածնի Մայր Տաճարի թանգարանում պահվում է երկաթից պատրաստված կրկնակի խաչաձև տեգի ծայր՝ իր արծաթե դրվագված պահարանով համդերձ, որը մեր մատենագրության մեջ և հոգևոր գործիչների ու ժողովրդի կողմից անվանվում է Սուրբ Գեղարդ: Պահարանի թիկունքին եղած արձանագրության հավաստմամբ, այն վերջին անգամ նորոգման է ենթարկվել 1687 թվականին: Փորձենք հայ և օտար մատենագիրների հաղորդած տեղեկություններով հետամուտ լինել Ս. Գեղարդի անցած ուղում և նրա հետ կապված պատմություններին:

Համաձայն ավանդության, այս գեղարդով է հոռմեացի զինվորներից մեկը խոցել խաչված Հիսուսի կողը: Նույնպես համաձայն ավանդության, Քրիստոսի ավագ աշակերտներից Թադեոս առաքյալը, Հիսուսի համբառնալուց հետո, փշե պսակի հետ միասին Գեղարդը Երուսաղեմից բերում է Եդեսիա՝ Աբգար թագավորին բուժելու համար, ինչպես որ կամխավ պատվիրել էր Հիսուս Քրիստոս:

Պատմահայր Խորենացին այդ մասին գրում է, որ Եդեսիայի Աբգար թագավորը, որը ժամանակակից էր Քրիստոսին, տարիներ շարունակ տառապում էր անբուժելի հիվանդությամբ, և լսելով Հիսուսի՝ հիվանդներին բուժելու հրաշագործությունների մասին՝ մասկով դիմում է Տիրոջը և խնդրում է գալ Եդեսիա ու բուժել իրեն: Խորենացին այնուհետև շարունակում է. «Իսկ ինքն Փրկիչն մեր յայնմ ժամանակի յորում կոչեացն զնա Աբգար՝ ոչ առ յանձն. բայց թղթոյ արժանի արար զնա, որ ունի օրինակ զայս. ... «և յորում համբարձայց՝ առաքեցից զմի յաշակերտաց աստի իմոց, զի զցաւս քո բժշկեսցէ, և կեանս քեզ և որոց ընդ քեզ են շնորհեսցէ»¹:

Նույն ավանդության համաձայն, Հիսուսի պատվերով Թադեոս առաքյալը գալով Եդեսիա՝ բերում է Ս. Գեղարդը և Փշե պսակը ու նրանց զորությամբ բուժում Աբգար թագավորին անբուժելի համարվող հիվանդությունից, որով վերջինս տառապում էր տառաքելու տարի:


Աբգար թագավորը բուժվելով «մկրտեցաւ ինքն Աբգար և ամենայն քաղաքն. և զդուրս տաճարաց կոցն փակեցին. և որ ի վերայ բազմին և սեանն կային պատկերք՝ ծածկեալ պատեցին եղեգամբ. և ոչ գործ ածէր բոնութեամբ ի հաւատս, բայց օր ըստ օրէ յաւելեալ ի

¹ Մովսէս Խորենացի, Հայոց Պատմություն, գիրք Բ, գլ. ԼԱ-ԼԲ:



ՍՈՒՐԲ ԳԵՂԱՐՅՆ ԻՐ ՊԱՀԱՐԱՆՈՎ

ՀԱՅԿԱՆ ԳԵՂԱՐՅԱՆ ԳՐԱԴԱՐԱՆ
ՖՈՒՆԴԱՄԵՆՏԱԿԱՆ ԳՐԱԴԱՐԱՆ



ՍՈՒՐԲ ԳԵՂԱՐՆԱԿԱՆՔԸ

հատատացեալսն բազմամային»²: Ասվում է, թե ահա այդ ժամանակներից ի վեր Գեղարդը պահվում է Հայաստանում :

Նույն կերպ «Յայսմավորք»-ի³ Թադեոս առաքյալի քարոզության պատմությունում, որը բերված է դեկտեմբերի 23-ի ներքո, կա հետևյալ վկայությունը. «Յորժամ եկն առ մա (Սամատրուկ թագավորի մոտ - ծան. Ի. Ղ.) սուրբ առաքեալն Թադեոս ունելով ընդ իմքեան զԳեղարդն Աստուածամովս՝ որով առնէր մշանս մեծամեծս և փարատէր զամեմայն չար ախտ հիւանդութեանց. վասն որոյ և բազումք հաւատացին ի Քրիստոս, մաև դուստր թագաւորին Սամոյիստ»:

Ագաթանգեղոսին վերագրվող, իսկ հետագա բանասերների կողմից անվավեր համարվող «Դաշանց թղթի» մեջ Ս. Գեղարդի մասին կարդում ենք. «Անդ (Հայաստանում - Ի. Ղ.) կայ և գեղարդն Ղունկիանոսի հարիւրապետին՝ որով խոցեցաւ կող Փրկչին՝ և բըղխեաց ջուր և արիւն, մշանակ մկրտութեան և հաղորդութեան»³:

Մեր մատենագրության մեջ հիշատակվում է մաև «Պատմութիւն Ս. Կենսաբերին և սուկայի Ս. Նշանին, թէ որպէս բերաւ յաշխարհն Արշարունեաց ի Կամբջաձորոյ»⁴ գործում, որի մասին Ալիշանը գրում է. «... յաջողեաց բաղդիւ գտանել մեզ ի մորաստաց մատենի»։ Ալիշանն ասում է, որ կա երկու Կամբջաձոր. «... առաջին ի Լիկանդոն գաւառի Փոքուն Հայոց, ընդ մէջ երկոցուն աշխարհացն Բ (II) և Գ (III) Հայոց, որք են Կեսարիա և Մելիտիան. ուր ի վաղեմի դարոց հաստատեալ վկայի վանք և անդ պատուեալ և պահեալ և սքանչելեօք հռչակեալ Կենսաբեր Ս. Նշանին: Նշանս այս, ըստ պատմութեան՝ մասն էր Խաչին Քրիստոսի՝ հատեալ ի միմ իսկ ի Պետրոսէ առաքելոյ, ըստ խնդրոյ Ղունկիանոսի Հարիւրապետի և տուեալ սմա, ագուցանելով յակն Խաչին մասունս յայլոց ևս տէրունական սրբութեանց. զոր առեալ Ղունկիանոսի ընդ աստուածամովս Գեղարդան՝ գայ ի հայրենիս իւր ի Գամիրս...»⁵, իսկ երկրորդը, բնականաբար, Արշարունիքի Կամբջաձորն է:

Վերոհիշյալ «Պատմութեան» հավաստմամբ, Ղունկիանոսը «Գայ ի գաւառն Գամրաց՝ Երկրորդն կոչեցեալ Հայք, և բնակէ ի լերինս, քսան և ութ ամս յանապատին: Եւ զօրութեամբ սուրբ Կենսաբերին հանէր ի մարդկանէ զդէս, և բժշկութիւնս բազումս կատարէր: ... Եւ իբրեւ լուսա զհամբաւ Ս. Կենսաբերին դատաւորն Գամրաց, որում անուն էր Ոկտաւիոս, հրամայեաց կոչել զՂունկիանոս»։ Քննության ենթարկելով՝ ի վերջո գլխատում է մրան ապա և թաղել տալիս «... ի պատուաւոր տեղոջ, և ինքն հաւատացեալ ի Քրիստոս մկրտեցաւ ամենայն տոհմիւ և տամբ իւրով. սպասաւորէր աստուածամովս Գեղարդին և Կենսաբեր Ս. Խաչին, մեծաւ երկիւղիւ: Եւ ահա անցին ազգք զկնի ազանց՝ մինչև յամս 960⁶. և աստուածընկալ Գեղարդն և Կենսաբեր Խաչն սպասաւորէր այլ յայլմէ, ընկալեալ

² Անդ, գլ. Լ Գ:

³ Ագաթանգեղոս, Պատմութիւն Հայոց, Կ. Պոլիս, 1824, էջ 347:

⁴ Ղևոնդ Ալիշան, Այրարատ, Ս. Ղազար, 1890 թ., էջ 547: Նույնը, տե՛ս մաև Գ. Հովսեփյան, Հիշատակաբանք ձեռագրաց, Բ. Ս., Ամթիլիաս, 1951 թ., էջ 169-178:

⁵ Ալիշան, մույն տեղում:

⁶ Մեկ այլ բնագրի համաձայն, թվականը մշվում է 939:

որդիք ի հարց և ի հատուց, և փոփոխեր տեղաց ի տեղս: Եւ ապա յետ ատուրցս այսոցիկ բազմաց՝ թագաւորեաց ի վերայ Յունաց Ռոմանոս, և չարչարէր»⁷:

Այնուհետև պատմության հեղինակը գրում է, որ այդ ժամանակ մասունքները հանգրվանել էին Լիկանտոնի Կամբջաձոր (Փոքր Հայք) մենաստանում, որի վանահայրն էր Հայր Հովհաննէսը. «Բայց զօրութիւն և համբաւ սքանչելեաց Ս. Կենսաբերին տարածէր ընդ կողմանս կողմանս մահաճկին այնորիկ, և գային յամենայն գաւառացն, և բժշկէին յիւրաքանչիւր ախտիցն՝ հոգւոց և մարմնոց: Եւ իբրեւ գիտաց Հայրն Յովհաննէս եթէ թագաւորն Ռոմանոս ոչ միայն զոսմիկ մարդիկն անէր՝ այլ և զվանականս, խորհեցաւ փախչել յաշխարհէն Յունաց. և մանաւանդ երկեաւ իսկ եթէ կայսրն Ռոմանոս յափշտակեսցէ զՍ. Նշանն. և եղեալ տարադէմ յաշխարհէն Լիկանտոնացոց՝ հանդերձ Ս. Կենսաբերին և քառասուն մարդովն, փախստեալ լինէին, և գային հասանէին յաշխարհս Հայոց, ի սահմանս Արշարունեաց մահաճկին, որ էր ընդ տէրութեամբ Աբասայ թագաւորի որդւոյ Սմբատայ Տիեզերակալի»⁸:

Աբաս թագաւորը ուրախությամբ ընդունում է փախստական հոգևորականներին, հյուրաւիրում, ապա տեղեկանալով փախուստի պատճառներին՝ Հայր Հովհաննէսին հուսադրում և առաջարկում է. «Ահա առաջի ձեր եմ ամենայն աշխարհս իմ, ուր և հաճոյ իցէ ձեզ բնակել՝ լիցի ձեզ տեղին այն, եթէ գիտ լինի և եթէ բերդ»⁹: Հայր Հովհաննէսը շրջելով Արշարունիքում՝ ընտրում է մի տեղ, որն «ունի զմանութիւն Կամբջաց ձորոյ, զոր ունէաք մեք յաշխարհին Լիկանտոնոյ. եկայք եղբարք, շինեսցուք զայս տեղիս:

Եւ ապա սկսան ի գործ շինութեանն, և կատարեցին ի պակաս ատուրս, և հաստատեցին եկեղեցի. և բազմեցաւ Ս. Կենսաբերն յառազատի խորանին. և անուանեցին զանուն վանացն Կամբջաց ձոր. և էր թուականն յայնժամ ԹՅԸ (939): Իսկ բարեպաշտ արքայն Հայոց Աբաս յառաջ քան զՅայտնութեան պահքն գայր ի վանքն բազում ընծայիւք, հանդերձ ազատօքն իւրովք և մեծաւ ամբոխիւ. և արարին մաւակատիս Ս. Նշանին. և յայնմ ատուր բազում բժշկութիւնք կատարեցան ի ձեռն սրբոյ իՍաչին ի վերայ այսահարաց և գօսացելոց և ամենայն ցաւազնելոց. և տեսեալ զսքանչելիսն ամենայն Հայկազանց՝ տային փառս Աստուծոյ»¹⁰:

Ասողիկ պատմիչը շարադրելով Աբաս Բագրատունու (928-953) գործունեությունը, այլևայլ դեպքերի հետ հավաստելով հիշյալ պատմության հավաստիությունը՝ գրում է. «Յայսմ ժամանակի ծաղկեալ պայծառամայր կարգ կրօնաւորական հանդիսից յաշխարհիս Հայոց: Եւ ի յոլով տեղիս շինեցան եղբայրանոցք, և ժողովեցան միաբանակեացք սիրովն Քրիստոսի:

⁷ Այլիշանը ավելացնում է «զամհաւանս Քաղկեդոնի Ժողովոյն»: Բյուզանդական Ռոմանոս I և II կայսրերը զահակալել են համապատասխանաբար 920 - 944 և 959 - 963 թվականներին:

⁸ Այրարատ, էջ 547:

⁹ Նույն տեղում, էջ 548:

¹⁰ Նույն տեղում:

Նախ առաջին՝ մեծահոգևոր ուխտն Կամրջաձորոյ ի գաւառին Արշարունեաց, որոյ առաջնորդ հայր Յովհաննէս, որ հալածեալ յարևմտեայ աշխարհէն յեզերացոց¹¹ գաւառէն, ի քաղկեդոնական մարդադաւան աղանդիցն, բերեալ ընդ իւր զհրազէն մշանմ¹² տէրունական: Եւ ընդ որ անցանէր՝ բազում սքանչելիք և մշանք և բժշկութիւնք լինէին ի ձեռն պատուական խաչին, որպէս և ի մերում ժամանակս աչօք մերովք տեսանեմք, զի բազում հիւանդք և ախտածէտք բժշկեցան: Եւ համապազ կայ և կատարէ զիւր հրաշագործութիւնն¹³:

Այնուհետև Ս. Նշանի պատմության հեղինակը շարունակում է մեկ առ մեկ հիշատակել Կամրջաձորի վանքի առաջնորդներին մինչև Ստեփաննոս վարդապետը, «զոր Աստուծոյ կոչեմ»¹⁴, մահ Դվիհի երկրաշարժը, վանքի փլվելը և վերաշինումը: 11-րդ դարի սելջուկյան արշավանքների ժամանակ «իբրեւ գիտացին եղբարքն՝ եղէ Տաճիկքն ամխնայ կոտորեն զքրիստոնեայս, և աւարի առնուն զստացուածս, ամփոփեալ պահեցին զարդս եկեղեցւոյն, զգիրք և զխաչ. Իսկ զԿենսաբեր Ս. Նշանն՝ եղին ի մոր պուտկի (հավանաբար մահ Գեղարդը - Ի. Ղ.) և ծածկեցին զերկրաւ. և է տեղի պահստեան Ս. Կենսաբերին՝ համդէպ վանացն, ի տեղի Գողգոթայ, յարեւելից հիւսիսոյ. որ մինչեւ զայսօր լեռնակն այն անուանեալ կոչի խաչգիւտ: Եւ եկաց մա անդ ամս 177, սպասաւորեալ ի հրեշտակաց. քանզի ուր խաչն է՝ անդ է և խաչեցեալն ի մահ: Եւ իբրեւ շշուկն շատացաւ և ահն հասաւ, ցրուեցան միաբանքն յայլ գաւառս, և վանքն անմարդ և ամայի մնաց»¹⁵:

Վանքի տարածքում բնակություն են հաստատում այլազգիները, որոնցից Սամսամի կինը երազ է տեսնում, և կարգադրում է փորել իրեն ցույց տրված տեղը. «Յայնժամ զարհուրեալ տիկնոջն առնու ընդ իւր աղջիկ մի առանց առն փործոյ, և գայ ի գագաթն բոկ և հետիոտս. և հրամայեաց կուսին առնու զՍ. խաչն՝ համդերձ անօթովն. և բերեալ ի վանքն՝ և եղ յեկեղեցւոյն. և կացոյց զԿոյսն սպաքաւոր, լոյս վառել և խումկս արկանել...», ապա հիշվում են մի քանի վանականներ, որ սպասավորել են Ս. Գեղարդին¹⁶:

¹¹ «Եզերացոց գաւառ», մեր կարծիքով այստեղ կա անվան բնագրական աղավաղում, դեռևս XIII դ. ընդօրինակված ձեռագրում, որն այս բնագիրն ունեցող ամենահին մատյանն է (տե՛ս Մատենադարան, ձեռ. 2825, էջ 197ա): Նախ Էզերաց աշխարհը (Սև ծովի արևելյան առափը Աստղիկի կողմից չէր կարող զավատ կոչվել, երկրորդ՝ Էզերացիները հայերիս համար հյուսիսաքնակ են և ոչ թե արևմտյան: Ուստի, մկատի ունենալով, որ Կապադովկիայի տարածքում կա «Էրզիսս լեռ», որը շարադրանքում կտար «Էրզիացոց» տեղանունը, կարող էր արտագրող գրչի կողմից հասկացվել «եզերացոց գաւառ»: Մեզ զարմացն է պատճառում, որ ո՛չ Մ. Էմինը և ո՛չ էլ Ստ. Մալխասյանն ուշադրություն չեն դարձրել այդ համաձայնեքին:

¹² «Հրազէն» բառը Մ. Էմինը բնագրական վրիպակ է համարում, քանի որ այն որևէ իմաստ տվյալ ժամանակ չէր կարող ունենալ (հրազեն, հրազեն) և ուղղում է «հրաշագէտ» ձևով: Ստ. Մալխասյանը համաձայնվում է մրա հետ: Հետևաբար, խոսքը հրաշագեն Գեղարդի մասին է: Տե՛ս ամդ, ծանթ. 109, էջ 379:

¹³ Ստեփաննոսի Տարոնեցւոյ Աստղկան, Պատմութիւն տիեզերական, Ս. Պետրբուրգ, 1885, գիրք III, գլ. VII, էջ 173-174:

¹⁴ Այրարատ, էջ 548: Ալիշանի կարծիքով, Ստեփաննոս Աստղիկը պատմիչ Ստեփաննոս Աստղիկն է, որ մահացել է Գագիկ թագավորի Բյուզանդիա գնալուց հետո: Գագիկ Բագրատունին կարող է Գագիկ II լինել, կամ Գագիկ Արաշյանը, ուստի Աստղիկի մահը պետք է դնել 1045-1060 թվականներին:

¹⁵ Այրարատ, էջ 549:

¹⁶ Ավարտվում է Ս. խաչի և Գեղարդի պատմությունը, առանց այլ թվական հիշելով, բացի այն որ պուտուկի մեջ, հողի տակ, պահվել է 177 տարի: Եթե ընդունում ենք, որ սելջուկ-թուրքերի սպառնալիքի հետևանքով են

Միջայել Ասորի պատմիչը (XII դ.) վկայում է հետևյալը. «Եւ Գեղարդն աստուածամովս պսակաւն փշեայ ի Թաղէնուէ բերեայ, և կայ անդէն ի Հայս ի պարծանս ազգին և ի փառս Աստուծոյ»¹⁹, բայց թե որ վաճառում է պահվել տվյալ սրբությունը, պատմիչը լռում է: Միայն Վարդան Արևելցիին է (XIII դ.), որ իր «Աշխարհացոյց»-ում որոշակիություն է մտցնում այդ հարցում՝ գրելով. «Իսկ ի կողմն Գառնոյ Դարունից մեծ եկեղեցին է, որ է Հայոց Թառ ... եւ Այրի վանքն, ուր կայ գեղարդն սուրբ աստուածամովս՝ մերկեայ արեամբ(ն) կենարարին, եւ տախտակն սուրբ տապանին Նոյայ մահապետին, եւ մա է տուն հաւատոյ Հայաստանեայցս՝ հաստատեալ ի սուրբ Լուսատրչէն»²⁰:

Պարզվում է. որ խնդրո առարկա Գեղարդը ոչ միայն մշանավոր անցյալ ունեցող սրբություն է համարվել, այլև տարբեր մասունքների հետ պահվել է Այրի վանքում, որը այդ պատճառով էլ սկսած XIII դարի կեսերից, ի պատիվ Գեղարդի, կոչվել է ման Գեղարդավանք: Երջանկաճիշատակ Գարեգին Հովսեփյան Կաթողիկոսի խոսքերով ասած. «Գեղարդը արեւելեան Հայոց ամենամեծ սրբութիւններից մէկն է եղել Նոյան տապանի կտորի եւ Հաւոց Թառի փրկչական պատկերի հետ»²¹:

Միաժամանակ հարկ է նկատել, որ Վարդան Արևելցու՝ Այրի վանքին տրված բնորոշումը վկայում է նրա վայելած մեծ հռչակն ու հեղինակությունը մյուս վանքերի շարքում: Պատահական չէ, որ մինչ այժմ Այրիվանք տարին երկու անգամ ուխտագնացություն է կատարվում՝ Համբարձման տոնին մատաղ անելով և աշնանամուտին:

Իրոք, որ հենց XIII դարն է Այրի վանք = Գեղարդավանքի պատմության ամենափառավոր շրջանը: Դրան նպաստեց Խաղբակյան Պողոս մեծ իշխանը, երբ Այրի վանքն իր շրջակա լեռներով ու դաշտերով գնեց Զաքարյաններից: Այդ մասին Գեղարդի մեծ եկեղեցու խորանի աջ կողմի պատին իշխանը թողել է ընդարձակ մի արձանագրություն, ուր մասնավորապես ասվում է. «Շնորհիւն Աստուծոյ, եւ Պողոս իշխան որդի Վասակայ յազգէ Հաղբակայ, գանձայգին արարի ի տերանց աշխարհիս սուրբ ուխտս Այրիվանք լերամբ եւ դաշտաւ եւ ամենայն կազմութեամբ որ կայր ի սմա... եւ շինեցի եկեղեցիք եւ կանկնեցի սուրբ մշանաք եւ յարդարեցի գերեզմանայտուն իմն եւ ազգի իմո յաւիտեան եւ ետու սպասատրութիւն սրբոց զիմ հալալ գանձայգին գեղն զՈղջայբեր, զԲերդաղն»²² և այլն: Վիմագիրը փորագրված է 1283 թվականին: Կարծեք թե Պողոս Խաղբակյանն այս վիմագրով հանրագումարի է բերել իր գործունեությունը և նվիրատվություններն Այրի վանք = Գեղարդավանքին:

Պողոս իշխանի կողմից վիմագրում հիշատակված ոսկե և արծաթե խաչերի, մասունքի պահպարանների, բուրվառների և քոցների Այրիվանքին նվիրելու իրական լինելու օգտին վկայում է 1268 թվականով հիշատակագրված, Պողոս իշխանի անունից պատրաստված Ս. Գեղարդի պահպարանը, որ հասել է մեզ, ճիշտ է, ոչ իր նախնական ամաղապտ տեսքով,

¹⁹ Տեառն Միխայելի Ասորոց պատրիարքի, Ժամանակագրութիւն, լեռնաաղէմ, 1870, էջ 600:

²⁰ Աշխարհացոյց Վարդանայ Վարդապետի, քննական հրատարակութիւն Հայկ Պէրպէրեանի, համեմատութեամբ 24 ձեռագրի եւ տպագրի, Բարիզ, 1960, տող 71 - 78 (էջ 30):

²¹ Գարեգին Կթղ. Յովսէփեան, Խաղբակեանք կամ Պողոսեանք հայոց պատմութեան մէջ, Ամթիլիսաւ-Լիբանան, 1969, էջ 201:

²² Ամդ, էջ 305:

այլ վերրամորոգված Պոռշյան տոհմի շատավիղներից մեկի կողմից 1687 թ., որի մասին խոսք կլինի ստորև:

Պահարանի թիկունքին պահպանվել է 28 տողանոց արձանագրությունը²³:

Գարեգին Կաթողիկոս Հովսեփյանը կարծում է, որ պահարանի արձանագրության հեղինակը պետք է որ Վարդանը լինի՝ հիմնավորելով, որ այն նման դեպքերում գրված սովորական արձանագրությունն է, այլ այդ սրբության մեծարանքի և պաշտամունքի բանաստեղծական արտահայտությունն է իր սկզբնամասով: Որ Պոռշ իշխանը չէր կարող դրա հեղինակը լինել, այլ նրա մերձավոր անձանցից մեկը, երևում է արձանագրության մաս վերջնամասից:

Այս տեսակետը կարելի է հիմնավոր համարել, քանի որ միջին դարերում սովորությունն էր կար ճառեր և շարականներ գրել և երգել սրբերի ու տաճարների նավակատիկների, մասնավորապես այս դեպքում Սուրբ Գեղարդի փառավորության՝ պահարանի պատրաստման առիթով: Իսկ որ Վարդանը բարեկամական կապեր պիտի ունենար Պոռշ խաղբակյանի հետ, որևէ կասկածից վեր է: Չէ որ Վարդանը 1268 թ. ավարտում է իր՝ Դանիելի մեկնությունը Աղջոց Ս. Ստեփաննոս վանքում, որը հեռու չէր Այրիվանքից և խաղբակյանների հեղինակավոր հոգևոր կենտրոններից մեկն էր: Կամ 1270 թվականին գումարված Զագավանի ժողովի ղեկավարը Վարդանն էր, իսկ նրա հովանավորը՝ Պոռշ իշխանը: Ավելին, Ս. Գեղարդին նվիրված շարականը ևս, ըստ Սարգիս երեցի, նույնպես Վարդանին է. «Եւ զգեղարդեանն իսկ դու պարծանքդ պարծանաց ... Սուրբ Վարդապետին վարդապետայ է ասացեալ»²⁴:

Ամենայն հավանականությամբ այս շարականը Վարդան Վարդապետը հորինել է 1260-ական թվականների վերջին, Պոռշի կողմից Ս. Գեղարդի համար արծաթյա պահարան պատվիրելու առիթով: Մատենադարանում պահվող ձեռագրերի մեջ կան Ս. Գեղարդի նկարագրությանը նվիրված առանձին հիշատակություններ, որոնցից մեկը դեռևս 1898 թ. հրատարակել է Մեսրոպ Մագիստրոսը «Արարատ» ամսագրում, «Պատմութիւն Ս. Գեղարդեանն եւ այլ տնօրինականացն Քրիստոսի» վերնագրով, իսկ մյուսը՝ «Քառեակ գիրք» կոչվող ձեռագրի հիշատակարանը, թվագրված 1221 թվականով, հրատարակել է Գարեգին Հովսեփյանը²⁵: Սրանք համարյա նույն բովանդակությունն ունեն՝ առանձին հավելումներով:

«Սուրբ Վարդապետն հայոց Վարդան յարեւելից առաքեաց ի Հոռմկլայն զայս գիր»²⁶: Վասն սուրբ և փրկական տնօրինական սրբութեանցն Քրիստոսի Աստուծոյ մերոյ այս գտաւ ի գրոց, զի ոսկի գրով կայր ի գրի գրեալ ի քաղաքն Կոստանդնուպօլիս, որ կոչի թագաւորութիւն: Եւ այսպէս պատմեցաւ: (Թործամ առին զթագաւորութեան քաղաքն՝ մեծ

²³ Ամդ, էջ 304:

²⁴ Մահակ վրդ. Ամատունի, Ձվ. աշխ., էջ 130 – 131:

²⁵ Գարեգին Կթղ. Յովսեփեան, Յիշատակարանք ձեռագրաց, էջ 815 – 816:

²⁶ «Արարատում» այս նախադասությունը բացակայում է, էջ 226:

թագաւորն Ֆոանկաց)²⁷ եւ բացեալ զմեծ եկեղեցին Սուրբ Սոփի և մեծաւ պարսաւանօք կոչեր զամենայն քաղաքն և զպատրիարգն և զմեծամեծս քաղաքին և զծառանգաւորս եկեղեցոյն և խնդրէին զփրկական սրբութիւնս, զփրկականն և զառաքելականն և զմարտիրոսականն: Եւ նոքա, զոր ունէին, ցուցին, և ապա բերին զմեծ զգրոցին պատմարամն և էր այսպէս գրեալ... (մի առ մի հիշվում եմ, թե որ սրբությունները որտեղ եմ գտնվում)... Այլ կենաց գեղարդն, որ ի կողահոս փրկական աղբեր արեւանն հոսաւ, առեալ Ղունգիանոս, որ կոյրն էր ի ծնէ և տիգախոց կողէն լուսաւորեցաւ (կա ի Գեղարդ)²⁸:

Աստուածաբանն ներկեալ սուրբ գեղարդն և պսակ փշոցն և Յովսէփայ Արեմաթացոյն աջն և զսուրբ շիշ իւղոյն ազնուի և զԱստուածամօրն պատկերն սուրբ առաքեալն Թադէոս ի Հայք տարաւ: Եւ այս է նշան սուրբ Գեղարդեանն Քրիստոսի, որ տեսանէք և ճանաչէք և բերէք, որ ոչ խաբեն զձեզ նենգածոտ ազգն Հայոց²⁹: Որ թագաւորք սուրբք և աստուածաւերք բերեալ զերկնային պսակն սուրբ հաւատոցն Քրիստոսի և ամենայն սուրբ եկեղեցեացն հոռմայեցոց: Այլ սուրբ գեղարդն Քրիստոսի երկնային գանձն լուսոյ կա ի յաշխարհն Հայոց և որք տեսանեն զնա՝ ոչ տեսանեն զմահն յաիտեմից և [ոչ յամօթ կրեն աւտորն աներեկի]³⁰ և ոչ տեսանեն զՆեոն: Եւ յոր թագաւորութիւն կայ իմացեալ և պատուեալ, նա ոչ անցանէ թագաւորութիւն այնմ աշխարհի: Եւ մմանութիւն սուրբ և աստուածակիր գեղարդեանն այս է³¹:

Գմբեթաձև ի վեր քաշեալ զլուսն նորա, որպէս միզակի սուր առեալ և Դ (4) մատին չափ է լայնութիւն մէջ նորա և հրեշտակաց ձևեալ, նման խաչի փորեալ և զփորեալ հատուածն անդէն ի յերկուս կողմ երեսաց սուրբ խաչին բեւեռեալ Դ (4) բեւեռօք, որպէս զտէրն ի խաչին: Եւ խնծորաթոռ խաչին աղիսանման վեցկուսի և ի վայրի կողմն փող միզակին ոչ այլ ինչ քանդակմամբ մախշեալ, այլ ամենեւին անարատ: Այս է (նշան) սուրբ Գեղարդեանն Քրիստոսի:

Այլ Աստուածամօրն պատկերն ի Հոգե[ա]յ³² վանքն կա՝ յԱղբակայ³³ գաւառին: Եւ շիշ յիւղոյն յերկիրն Տարօնոյ ի վանքն Եղրդի³⁴: Արեմաթացոյն աջն ի յԱռբենեան³⁵ գաւառին՝ ի գեղն, որ Թադէոսի Առաքելոյ անուանի: Եւ պսակ փշոցն իւր վէմն³⁶ կա, ուր մահատակեցաւ առաքեալն սուրբ ի Զարեանդ գաւառի: Եւ արդ այսպէս օրինակեցաւ տնօրինա-

²⁷ Հիշատակարանում բացակայում է: Ինչպես հայտնի է, 1204 թ. խաչակիրները տիրեցին Կոստանդնուպոլսին մինչև 1261 թ.: Այդ մկատի ունի հեղինակը:

²⁸ Հիշատակարանում բացակայում է: Ավելացված է «Արարատում», էջ 227:

²⁹ «Արարատ», ունի «Յունաց», էջ 228:

³⁰ «Արարատում» բացակայում է այս բառակապակցությունը. էջ 228:

³¹ Գեղարդի այս մկարագրությունն առաջին անգամ է հանդիպում մատենագրության մեջ և լիովին համապատասխանում է այժմ Մայր Տաճարի թանգարանում պահվող օրինակին: Նախօրինակ այս մկարագրությունը մի շարք անգամներ կրկնվում է տարբեր հեղինակների կողմից համարյա մուլանությամբ՝ սկսած XVI դարից ընդհուպ XIX դարը:

³² «Արարատ», 1898 թ., ունի «Հոգոց», էջ 228:

³³ «Արարատ», ունի «Ի Թողկաց», անդ:

³⁴ «Արարատ», ունի «Եղեզմի», անդ:

³⁵ «Արարատ», ունի «Ի Առբերան», անդ:

³⁶ «Արարատ», ունի «Վանքն», անդ:

կամ սրբություն, և օրինակս թարքմանեցաւ ի հոռոտ գրոց ի հայ գիր՝ ի թվին ՈՀ (1221)³⁷ ամեն: Հայր մեր»³⁸:

Ամենայն հավանականությամբ, Մեսրոպ վարդապետի հրատարակած ձեռագիրը մասնագաղափարն է եղել, որից 1221 թվականին արտագրվել է Հիշատակարանը՝ այն վերագրելով վարդան Արևելցուն և բաց թողնելով կամ ավելացնելով այլ բառեր և մասնադասություններ, աղավաղել տեղանուններ ու միանգամայն այլ իմաստ հաղորդել, ինչպես օրինակ՝ «անգամաժող ազգն Հունացը» փոխարինել «ազգն Հայոց»-ով և այն:

Այսպիսով դեռևս XII-XIII դարերում բյուզանդական և հայկական եկեղեցիների միջև վեճ էր սկսվել, թե ում մոտ է պահվում իրական Գեղարդը: Հետևաբար Հայաստանում գտնվող խնդրո առարկա Գեղարդը չպետք է շփոթել վաստիկանում պահվող մանաստիպ մեկ այլ Գեղարդի հետ: Դեռևս XII-XIII դարերի հայ և օտարազգի պատմիչները գիտեին, որ Գոյության մասին և մամրամասն անդրադառնում են տվյալ խնդրին՝ բացատրելով, թե ինչպես է առաջացել կրկնօրինակ Գեղարդը: Մասնավորապես, Միքայել Ասորի Պատրիարքը վկայում է, որ երբ Զանգի ամիրան պատերազմում հաղթեց Արթուրյանի և տեր դարձավ սուրբ վայրերին, այդ ժամանակ (XII դար) Հոռմի Պապն այցելում է Երուսաղեմ, իսկ այնտեղից՝ Ամսիոք: Տեղի հոգևոր հայրերը նրան ցույց են տալիս Քրիստոսի ամուսնով Գեղարդը, Պապը սակայն ասում է. «Զբուն Գեղարդն Քրիստոսի գիտեմ, եթե Թամուզն առաքելն է Հայք տարաւ այս այլ է. և գտաւ պատմութիւն զմամնէ որ գրեալ էր, թէ ազգն Հրէից որ բնակեալ էր ի Տիբերիա՝ յաւուր ուրբաթու խաչելութեանն Տեառն գողացան մանուկ մի և տարան յամասպատ, և խաչեցին զմա և փշով պսակեցին և ծիրանի և կարմիր զգեցուցին, և գեղարդեամբ խոցեցին զմա. և զամենայն որպիսութիւն կատակաց Տեառն արարին մա. մոյմպէս և հրաշք Տեառն մերոյ կատարեցան ի վերայ մանկանն զի խաւարեցաւ արեգակն և շարժեցաւ երկիր և պատահեցան վեճ և արիւն և ջուր բոխեաց ի տիգախոց կողէն... և այս է գեղարդն այն, ուստի լինի ի սմանէ մեծամեծ սքանչելիք. և լուեալ պապուն զգրեալն հաւատաց. և փառաւորեաց զԱստուած և երկրպագեաց մա»³⁹: Հավանաբար մեծ կարգի զրույցի մեկ այլ տարբերակ է, որ 1702 թ. հրատարակվել է «Հայելի վարուց» կոչվող ժողովածուում⁴⁰:

Քրիստոսի պատկերի մասին է հիշատակում մահ Մատթեոս Ուռհայեցի պատմիչը՝ մեջբերելով Չմշկիկ կայսեր (969-976 թթ.) Աշոտ Բագրատունի Ողորմածին գրած մամալը: Բյուզանդական կայսրը Պաղեստինում հազարացիների դեմ տարած հաղթանակների

³⁷ «Արարատ», ումի «և բերաւ ի Հայս, յորում էր թիւս ԺՀԶ (-726) Քրիստոսի փառք յափտեանս»: Հրատարակող Մեսրոպ վարդապետն ավելացնում է, որ «Ձեռագրիս տարբերիւ յայտնի չէ»:

³⁸ Գարեգին Հովսեփյանը տալիս է մահ այս ծանոթագրությունը. «Ձեռագիրը ստացել է ոմն Մահդասի կաթապետ՝ ի իշատակ իւր կողակից Թովին, որ «Թվին ՌՀՀ» (-1628) ամին փոխեցաւ առ Քրիստոս: Կամ ուրիշ Յիշատակարաններ «ՌԶ» (-1631), «ՌԶԲ» (-1633) եւ «ՌՂԷ» (-1648) թուականներով, մոյմ Կարապետ Մահդասու անձի և ընտանիքի հետ կապուած» (եր, 330^ա - 331^բ):

³⁹ Միքայել Ասորի, Ժամանակագրություն, էջ 422 - 423:

⁴⁰ Այս մույնը տե՛ս մահ «Հայելի վարուց», աշխատասիրությամբ Քմարիկ Տեր-Ղալսյանի, Երևան, 1994, էջ 319 - 320: Այդ գրքի ծանոթագրություններից իմանում ենք, որ «Հայելի վարուց» զրույցների ժողովածուն գրված է եղել լեհերեն, որից էլ XVII դ. կեսերին հայերենի է թարգմանել Սիմեոն Լեհացին և մեզ է հասել թագմաթիվ ձեռագիր և տպագիր օրինակներով:

առիթով այսպես է գրում. «Այժմ բովանդակ Փյունիկեն, Պաղեստինն ու Ասորիքը ազատագրվել են տաճկաց հպատակությունից և ընդունել հոռոմոց գերիշխանությունը: Ահա, իմացիր, որ Աստված քրիստոնյաներին այսպիսի հաղթանակներ պարգևեց, որոնց մեծերը դեռ չէր եղել երբեք: Գաբավոն քաղաքում մենք գտանք մեր Քրիստոս Աստծո հողաթափերը, որոնցով Նա շրջեց երկրի վրա, մեծանապես և մեր Փրկչի պատկերը, որն անցյալում հրեաները խոցել էին, և որից իսկույն արյուն և ջուր էր հոսել. մենք գտանք նաև գեղարդը: Այդ քաղաքում մենք գտանք նաև Կարապետի՝ Հովհաննես Մկրտչի գլխի պատվական մագերը»⁴¹:

Նույն պատմիչը մեկ այլ առիթով, արդեն 1098 թվականի դեպքերի շարադրանքում, գրում է. «Ֆրանկներն սկսեցին տառապել սովից (խոսքը խաչակրաց արշավանքի մասնակիցների մասին է - Ի.Ղ.), որովհետև քաղաքում հացն արդեն վերջացել էր: Ծայրաստիճան ճարահատյալ, որոշեցին, Կերպողայից անձեռնմխելիության մասին երդում ստանալով, քաղաքը հանձնեն նրան, իսկ իրենք գնան Ֆրանկների երկիրը: Բայց Աստված, տեսնելով նրանց տագնապալի վիճակը, գթաց: Գիշերը նրանց մի սարսափելի տեսիլք երևաց. մի աստվածապաշտ ֆրանկ երագում սուրբ առաքյալ Պետրոսին տեսավ, որն առաջ նրան. «Եկեղեցու ձախ կողմում պահված է այն գեմը, որով անաստված հրեաները Քրիստոսի անարատ կողը խոցեցին. այն գտնվում է խորանի առջև: Հանք այն և, նրանով մարտի դուրս գալով, կհաղթեք ձեր թշնամիներին, ինչպես Քրիստոսը հաղթեց սատանային»: Նույն տեսիլքը երևաց երկրորդ և երրորդ անգամ: Այդ մասին պատմեցին Կոնդուրեին, Պեմունդին և բոլոր իշխաններին: Սկսեցին աղոթել և սուրբ Պետրոս կոչվող եկեղեցու մշված տեղում գտան Քրիստոսի գեմը: ... Այլագգիների զորքերը ողողել էին լայնատարած դաշտը՝ տասնհինգական հոգուց բաղկացած շարքերով: Ձմեռը Քրիստոսի գեմը բարձրացրեց Կերպողայի դրոշմների դեմ: ... Նրանք մեկ մարդու պես երկնքում ցոլացող և լեռներն այրող կրակի պես թափվեցին այլագգիների վրա և ողջ բանակը գլխովին փախուստի մատնեցին: ... Ֆրանկների զորքը անթիվ ավարով ու բազում գերիներով մեծ ուրախությամբ վերադարձավ Ամսիոք քաղաքը»⁴²:

Հաջորդ՝ 1099 թվականի դեպքերի առիթով պատմիչը շարունակում է. «Այդ տարին կոմս Ձմեռը Ամսիոքում հայտնաբերված Քրիստոսի գեմը տարավ-տվեց հոռոմոց կայսր Ալեքսին (1081-1118 թթ.), իսկ ինքը վերադարձավ, գնաց Ֆրանկների (երկիրը)»⁴³:

Այս դեպքերի առիթով է, որ XIII դ. պատմիչ Կիրակոս Գանձակեցին մասնավորապես գրում է. «Բայց յաւուրս հաւում նորա Ալէքսի (խոսքը Մանվել կայսրին է վերաբերում՝ 1143-1180 թթ.) կոմս ոմն եկն յԵրուսաղէմէ յԱմսիոք: Եւ իբրև եմուտ ի տաճար սրբոյն Պետրոսի առաքելոյ և հաղորդ եղև պաշտամանն, երևեցաւ նմա սուրբ առաքելաւ Պետրոս և ասէ. «Ի պատուհանին եկեղեցւոյդ թաղեալ կայ գեղարդն, որով խոցեցին զՓրկիչն մեր, առեալ տարցես յաշխարհն քո»: Եւ Նորա առեալ խնդութեամբ, եկն ի Կոստանդնու-

⁴¹ Մատթեոս Ուոհայեցի, Ժամանակագրություն, Երևան, 1973, էջ 17-18:

⁴² Ամդ, էջ 174 - 175:

⁴³ Ամդ, էջ 177:

Միանգամայն հասկանալի են մեզնից ավանդազրույցի առաջանալու հիմնական դրդապատճառները, առավել ևս, որ հայ և օտար պատմիչներ մույնպես անդրադարձել են դրանց և տվել մեզնից պատմությունների ծագման իրենց վարկածը: Ինչևէ, վերոշարադրյալից միանգամայն պարզ է, որ հայկական ավանդությունն առավել հիմ և հիմնավորված է Սուրբ Գեղարդի մասին, քան կաթոլիկ Եկեղեցուն: Է:

Հայերն իրենց ավանդությունը սկսում են Թադեոս առաքյալից և շարունակական ընթացքով հասցնում են մինչև մեր շրջան, իսկ եվրոպացիներն առավելագույնս 1098 կամ 1118 թվականից, երբ այն իբր գտան Անտիոք քաղաքում և տարան Կոստանդնուպոլիս Ալեքսիոս կայսերը մվեր: Իսկ Բյուզանդիայի անկումից հետո, 1492 թվականին, մվեր ուղարկվեց Հոմ, որով առավել ևս հաստատվում է պատմիչների վկայությունը, որ Հոմ տարված գեղարդն այն է, որով հրեաները կատակով խոցեցին փրկչական պատկերը Բյուրիտոն քաղաքում, ինչպես որ վկայում են միջնադարյան հայ և օտար պատմիչներ Միքայել Ասորին, Մատթեոս Ուոհայեցին, Կիրակոս Գանձակեցին, Վարդան Արևելցին և ուրիշներ:

Այսպիսով, ի մի բերելով պատմիչների բոլոր վկայությունները, մասնավորապես մկատի առնելով XIII դարի հեղինակ Վարդան Արևելցու արժեքավոր վկայությունը, պարզվում է, որ այն Գեղարդը, որով հրեաները կատակով խոցել են Փրկչի պատկերը Բյուրիտոն քաղաքում, պատվի է արժանանում ժամանակակիցների կողմից ու տարվում Անտիոք, պահ տրվում սուրբ Պետրոս առաքյալի անվան տաճարին: Իսկ տարիներ անց, երբ խաչակիրների զորքերը շատ մեղմ են ընկնում հագաբացիների (արաբներ) կողմից, Գեղարդը համվում է զորքի առաջ, և նրանով ոգևորված խաչակիրները փայլուն հաղթանակ են տանում:

Հաղթանակը վերագրվում է Ս. Գեղարդի հրաշագործությանը: Այնուհետև խաչակիր կոմսերից Զնջիկն այն տանում է Կոստանդնուպոլիս և ընծայում Ալեքսիոս Կոմենենոս կայսրին (1081-1118 թթ.): Վերջինս այդ գեղարդը բաժանում է երեք մասի, մեկը՝ ուղարկում Վենետիկ, մյուսը՝ Լյուտովիկոս կայսրին, իսկ երրորդ՝ ամենամեծ մասը՝ պահում իրենց: Բյուզանդական կայսրության անկման պատճառով՝ 1453 թվականին, այն քրիստոնեական այլ մասունքների հետ միասին անցնում է թուրքերին, որոնք 1492 թվականին այն օգտագործում են դիվանագիտական հաջողություններ ապահովելու մպատակով և ուղարկում Հոմի Պապին, ուր մինչ այժմ այն պահվում է Վատիկանի թանգարանում Բրիտտոսին վերագրվող բազմաթիվ այլ մասունքների հետ միասին:

Հետաքրքրական է, որ ողջ XIV դարի ընթացքում ոչ մի անգամ չի հիշատակվում Ս. Գեղարդը ոչ մի առիթով: Պատճառը հավանաբար դժնդակ ժամանակներն էին, որի հետևանքով անկում էր ապրում Պոռչյան Ֆեոդալական երբեմնի հզոր տունը, որի հովանավորության տակ էր գտնվում Այրիվանք-Գեղարդավանքը: Հատկանշական է, որ XIV դարի ընթացքում գրված հայկական ձեռագրերի շուրջ 850 հիշատակարների մեջ գեթ մեկ անգամ չի հիշատակվում Գեղարդավանքը, այնտեղ չի գրվել (կամ մեզ չի հասել) ոչ մի ձեռագիր: Ուստի որևէ տեղեկություն չունենք Գեղարդի մասին:

Միայն XV դարի սկզբին մորից հիշատակություն կա Գեղարդի մասին: Մասնավորապես 1429 թվականին գրիչ Գրիգորի կողմից Գառն գավառի Մամվելի կոչվող անապա-

վեց տարի անց, նույն Այրիվանքում ընդօրինակված Մաշտոցի գրիչ և ծաղկող Հովհաննեսը համարյա նույն խոսքերով է բնութագրում վանքը և նրա սրբությունները. «ի վանքս որ կոչի Յայրիվանս, .. սուրբ տիգիս՝ աստուածամուխ սուրբ Գեղարդեանս, և այլ բազմագումար սրբոցս, որ աստ կան հաւաքեալ...»⁵²:

Հաջորդ տարի Մատթեոս գրիչն Այրիվանքում ընդօրինակում է մի ժաշոց, իսկ Ստեփաննոսը ծաղկագարդում է այն. «ընդ հովանեաւ մաւրս լուսոյ սուրբ Աստուածածնիս, և հրաշափառ և երկնամամն Կաթողիկէիս, և աստուածընկալ սուրբ Նշանացս, և արեամբ ներկեալ անմահին Յիսուսի սուրբ Գեղարդեանս, և սուրբ աջերոյս՝ Յովհաննու Մկրտչին՝ ձեռնադրողին Քրիստոսի և սուրբ աջոյն Բարդողիմէոսի առաքելոյն, և համարէմ ամենայն սրբոցս, որ աստ կան հաւաքեալ աւծանդակութեամբ Հոգւոյն Սրբոյ և կամակցութեամբ սուրբ եղբարցս»⁵³:

Հետաքրքիր է, որ մինչ այդ եթե որպէս նշանավոր սրբություն հիշատակվում էր միայն Գեղարդը, իսկ մյուս սրբությունները՝ հավաքական կերպով, ապա այս դեպքում հիշատակվում են նաև նշանավոր մյուս սրբություններ, որ մինչ այդ չեն հիշվում: Կնշանակի, թեև Հայաստանն ապրում էր քոչվոր անասնապահ Աղ-Կոյունլու և Կարա-Կոյունլու ցեղերի անընդհատ կրկնվող ավարառությունների ժամանակաշրջան, այնուամենայնիվ, Այրիվանք-Գեղարդավանքի միաբանությունը ծաղկում էր թե՛ տնտեսապես և թե՛ վանքում հավաքված նշանավոր սրբություններով:

1476 թ. ընդօրինակված Ավետարանի գրիչ Ստեփաննոսը գրում է. «...սկսա գծագրել ի վանս հրաշալի Այրիվանս, ընդ հովանեաւ սուրբ և հրաշափառ Կաթողիկէիս, և ներկեալ արեամբն Քրիստոսի սուրբ Գեղարդեանս, եւ շնորհաբաշխ սուրբ աջոյս Յովհաննու Մկրտչի, և այլ բազում և անթիւ սուրբ նշանացս, որ աստ կան հաւաքեալ»⁵⁴:

Հաջորդ տասնամյակում շարունակվում է մյուս սրբությունների հավաքումը, ինչպես տեղեկանում ենք 1488 թ. գրված Հայսմավուրքի հիշատակարանից՝ «...ի սուրբ և ի գերա-հռչակ ուխտս որ կոչի Այրիվանս, որ և հիմնարկեալ է ի սուրբ Լուսատուրչէն Գրիգորի, ընդ հովանեաւ սուրբ Աստուածածնիս, և արեամբ ներկեալ Քրիստոսի սուրբ Գեղարդեանս, և սուրբ աջոյս Յովհաննու, և Խոտակերաց սուրբ Նշանիս, և տապանակի սուրբ Յակոբին և այլ բազմահաւաք սրբութեանց»⁵⁵: Ինչպես նկատելի է, Այրիվանք-Գեղարդավանքում պահվող սրբությունների շարքին ավելանում է Պոռշյան տոհմին պատկանող հեղինակավոր սրբություններից մյուսը՝ Խոտակերաց սուրբ նշանը, որի համար արծաթե հիանալի պահարան էր պատվիրել Պոռշի թոռ Ամիր Հասանի որդի Էաչեն դեռևս 1300 թվականին:

Հով. Ծախաթուրյանը XIX դ. առաջին կեսին իր համարահայտ աշխատությունում այսպես է գրում. «Այլ զի երբեմն երբեմն պահելին Կաթողիկոսունք Աթոռոյ Էջմիածնի զայս սուրբ Գեղարդ ի Տաճարիս այսմիկ մեծի Կաթողիկէի առ ինքեանս...: Քանզի յինչ ինչ կոնդակս Կաթողիկոսաց յիշատակի ընդ այլ սրբութեանց եղելոց յԱթոռ այսր և Գեղարդն

⁵² Նույն տեղում, էջ 99:

⁵³ Նույն տեղում, էջ 120:

⁵⁴ Նույն տեղում, էջ 397:

⁵⁵ ԺԵ դարի հայերեն ձեռագրերի հիշատակարաններ, մասն երրորդ, կազմեց Լ. Ս. Խաչիկյան, Երևան, 1967, էջ 109:

սուրբ ներկեալն արեամբ Յիսուսի: Յառաջին կոնդակի գրեալ ի թուին հայոց ՋԱ (=1452), ի (1) դէկտեմբերի ի Գրիգոր Ժ կաթողիկոսէ: Երկրորդումն գրեալ ի թուին հայոց ՋԾԳ (=1504), ի ԻԴ (=25) մարտիս յետիշայէ Բ կաթողիկոսէ: Երրորդումն գրեալ ի թուին հայոց ՋՂ (=1541), ի Գրիգորէ ԺԱ կաթողիկոսէ: Եւ ի չորրորդումն գրեալ ի թուին հայոց ՌԺԲ (=1563) ի Միքայէլ կաթողիկոսէ Սեբաստացոյ: Իսկական օրինակը այսոցիկ կոնդակաց գտանք ընդ այլ հմութեանց ի վառն Ստեփաննոսի մախավկայի՝ որ ի ձորն Հին Ջուղայու առ Մաղարթայ լեռամբ»⁵⁶:

Անկախ նրանից, թե որքանով է վավերական ասվածը, մշենք, որ ինչպես ձեռագրերն են վկայում, 15-րդ դարում Ս. Գեղարդը գտնվել է Այրիվանքում:

Հետագա՝ XVI դարի վկայությունները հնարավորություն չունենք ստուգելու, քանի որ դեռևս չեն հրատարակվել ԺԶ դարի հիշատակարանները: Բայց փաստն այն է, որ XVII դարի ընթացքում Գեղարդը գտնվում էր Այրիվանքում:

Ծառ Աբասի բռնագաղթի ժամանակ տեղահանման է ենթարկվում մեծ Գառնո ձորի բնակչությունը, այդ թվում՝ Գեղարդավանքի միաբանները: Ինչպես գրում է Առաքել Դավրիժեցին, բոլորին կան սպանեցին, կան գերի տարան: Բայց հետագա վկայություններից պարզվում է, որ Այրիվանք-Գեղարդավանքի միաբաններից, այնուամենայնիվ, ոմանք փրկվել են և շարունակել բնակվել վերոհիշյալ մեծաստանում: Այդ է վկայում 1610 թ. Մելքիսեդեկ Կաթողիկոսի կոնդակում Գեղարդավանքի առաջնորդ Աստվածատուր եպիսկոպոսի անվան հիշատակումը: Վանքի սրբությունները հավանաբար հասցրել էին թաքցնել շրջակա այլերից մեկում, քանի որ հետագայում դրանք բոլորն էլ նորից հիշվում են որպես Այրիվանքի սեփականություն:

Հետաքրքիր է այն իրողությունը, որ այս շրջանում վանքում արտագրված ձեռագրերի գրիչներն իրենց հիշատակարաններում կարծեք թե մոռացության են տալիս մախորդ դարերում ձևավորված այն ավանդույթը, երբ մեկ առ մեկ թվարկվում էին այս կամ այն հոգևոր կենտրոնում պահվող մասունքները: Այժմ հավաքական իմաստով են օգտագործում «և այլ բազմաբանաբար սրբոց» դարձվածքը: Այդ է պատճառը, որ կարծեք մոռացության շղարշով է պատվում այն հարցը, թե որտեղ էր պահվում Արևելահայոց ամենամեծ սրբություններից մեկը՝ Ս. Գեղարդը: Նույնիսկ տվյալ դարի մշակավոր պատմիչներ Առաքել Դավրիժեցին և Զաքարիա Քանաքեղցին ոչ մի առիթով չեն հիշում խնդրո առարկա Գեղարդի գտնվելու վայրը:

Այսուհետ միայն Հայաստան այցելող օտար ճանապարհորդներն են ուշադրություն դարձնում առանձին մասունքների ուր գտնվելուն: Մասնավորապես 1655 թվականին եվրոպացի ճանապարհորդներից ֆրանսիացի Տավեռնիեն լինելով Երևանում՝ այցելում է Գեղարդավանք: Այդ մասին գրում է. «Այս մեծաստաններից մեկն ամբողջովին փորված է ժայռի մեջ՝ իր եկեղեցիով հանդերձ, որն իր հերթին գտնվում է մի ամուր ժայռի վրա: Հայերն այս եկեղեցին իրենց լեզվով կոչում են Գեղարդ ...: Ահա հենց այդ եկեղեցում է, որ պահվում է հայերի մասունքն՝ երկաթե միզակը, որով խոցվել է Հիսուս Բրիստոսը, և այն

⁵⁶ Յովհ. եպս. Ծախաթունեանց, Ստորագրութիւն..., էջ 53-54:

ցույց են տալիս բոլոր նրանց, ովքեր այցելում են այդ եկեղեցին»⁵⁷: Հեղինակը նույնիսկ Գեղարդի գծագրությունն է գետեղել իր աշխատության մեջ:

1679 թ. երկրաշարժին ակամատես Սուքիաս քահանան իր ընդօրինակած «Հայսմա-վուրք»-ի հիշատակարանում գրում է, որ երկրաշարժից «Գեղարդի վանքն եւ Աղջոց վանքն եւ Ամենափրկչի վանքն (Հավուց Թաո), եւ Տրդատայ թախտն (Գառնիի տաճարը), եւ խոր Վիրապա Աստուածածնա եկեղեցին հիմնապատակ աւերեցան»⁵⁸:

Երկրաշարժից երեք տարի անց, 1682 թ., Եղիազար Կաթողիկոսի կողմից Գեղարդա-վանքի առաջնորդությունը և Վարդապետական գավազան է ստանում նույն վանքի նախ-կին առաջնորդներ մեծ Դավթի և Ստեփաննոսի եղբորորդի կրտսեր Դավիթը: Վերջինս, իր տոհմին բնորոշ ջանասիրությամբ, շատ կարճ ժամանակում փակում է իր նախորդի ու-նեցած 50 թուման պարտքը, այնուհետև ձեռնարկում Գեղարդավանքի մոտոգման գործին, որը ակամատես Երեմիա քահանան, որն, ի դեպ, իր կրթությունը ստացել էր մինչ երկրա-շարժը Այրիվանքում գործող դպրոցում՝ տեր Զաքարիայի մոտ, 1684 թ. Նորագավթում արտագրած Հայսմավուրքում գրում է. «...եմուտ ի խախարխեալ եւ ի փլեալ տանս մոտոգ-ման. արար եւ սկսեալ շրջապատ բարձրաբերձ պարիսպ տաշեալ քարով, հաստատուն եւ ամրապինդ. մաեւ շինուածք բոլորակի, թանապալք, քօշք, ապարանք, սենեակք, խոհա-րանոցք եւ այլ ամենայն շտեմարանք, տաշեալ քարով, կրով եւ թաղով, մինչ տեսողացն հիացեալք: Օինեաց գտուի դուրի արծաթէ, պահարանս աստուածամուխ Գեղարդին նշանի, եւ ակամբք պատուականօք յօրինել ետ, եւ ոսկւով ջրեաց. բազում ծախս գնաց, մինչ իւ. (=25) թուման, աւելի եւ ոչ պակաս.»⁵⁹:

Այս վկայությունը միանգամայն համապատասխանում է իրականությանը, և ոչ մի գու-նագարդում չկա: Հավանաբար ավերիչ երկրաշարժի ժամանակ վնասվել էր նաև Պոռո իշխանի կողմից 1268 թ. պատվիրված Ս. Գեղարդի մասնատուփը, որի մասին արդեն հի-շատակել ենք: Այդ էր պատճառը, որ վանքի առաջնորդ Դավիթ Բ-ն, որը, ինչպես նկատե-ցինք, նույնպես Պոռոշյան տոհմի շառավիղներից մեկի՝ Իմանիկի որդին էր, 1687 թվակա-նին մոտոգել է տալիս այդ պահարանը, որի թիկունքին նույնությամբ պահպանելով Պոռոշի կողմից թողած արձանագրությունը, ավելացնում է մեկ այլ արձանագրություն՝ որպես շա-րունակությունը նախորդի⁶⁰:

Դավիթ Բ-ի կողմից պատրաստված կամ մոտոգված Գեղարդի պահարանն է, որ այժմ պահվում է Ս. Էջմիածնի Մայր Տաճարի թանգարանում և է. «Ի կերպ աղիւսակի, ունելով դրոմս երկքացիկս», ինչպես նման պահարանները նկարագրում է Ստեփաննոս Օրբելյա-նը՝ նկատի ունենալով նաև իր կողմից Տաթևի վանքին նվիրած ոսկե պահարանը և Էջեղի կողմից խոտակերաց վանքին տրվածը:

Պահարանի երկարությունն է 56 սմ, լայնությունը՝ 24 սմ, իսկ հաստությունը՝ 5,5 սմ: Այն երկփեղկ դռնակով է, ներքևի մասում ուղիղ, իսկ վերևը՝ երկկենտրոն, սուր կամարով:

⁵⁷ Ֆրանսերեն բնագիրը տե՛ս Այրարատ, 346, ծանոթ.:

⁵⁸ Մանրամասն տե՛ս Զաքարիա Քանաքեղցի, Ժամանակագրություն, հ. 2, էջ 104–107:

⁵⁹ Ղևոնդ Ալիշան, Այրարատ, էջ 348, Հովսեփյան, Խաղբակեանք..., հավելված, էջ 39:

⁶⁰ Տե՛ս Հովսեփյան, Խաղբակեանք..., հավելված, Ա 15:

այցելում է Երևան, ապա մշտն է, որ ութ ժամ ձիավարելով հասնում է Գեղարդավանք, ուր տեսել է մահ Ս. Գեղարդը⁶²:

Վերջապես XVIII դ. սկզբին Աբրահամ Կաթողիկոսը, լինելով Այրիվանքում, գրում է. «Ի Սուրբ Գեղարդն, որպես ասե՛, մնալով անդ երկու գիշեր»⁶³: Նադիր Օսմի տիրապետության ժամանակ Ս. Գեղարդը հավանաբար դեռ Այրիվանք-Գեղարդավանքում էր, քանի որ վանքը շեն էր և միաբաններով լեցուն, հետևաբար, մրանք իրենց այդքան մեծ հեղինակություն ունեցող մասունքից անհմար էր, որ հրաժարվեին:

Սիմեոն Երևանցի Կաթողիկոսն իր «Ջամբո»-ում, որն ավարտել է 1765 թ., Գեղարդավանքի մասին հաղորդում է, որ այն բազմաթիվ գյուղերի, այգիների, ձիոհանքերի և ջրաղացների սեփականատեր էր, հետևաբար ուներ բազմամղան միաբանություն, և պետք է ենթադրել, որ վանքին պատկանող սրբություններն էլ դեռևս այնտեղ էին:

Նույն դարի 70-ական թվականներին, օգտվելով Պարսկաստանում տեղի ունեցող գահակալական կոիվներից, Կովկասի լեզգիները մի շարք ավարառու արշավանքներ են ձեռնարկում Անդրկովկաս, մասնավորապես՝ Հայաստան: Դրա հետևանքով մի շարք բնակավայրեր և վանք-մենաստաններ թալանվում ու ամայանում են, այդ թվում՝ մահ Այրիվանքը: Այս մասին է վկայում 1813 թ. Հայաստան այցելած անգլիացի դիվանագետ Ջեյմս Մորիերը, որը ճանապարհորդելով Արևելքում, այցելում է Երևան, ապա, հարկադրական դադարից օգտվելով, ուղեվորով է Այրիվանք-Գեղարդավանք՝ այս մասին գրելով իր ուղեգրությունում⁶⁴:

Մորիերի հաղորդած տեղեկություններից երևում է, որ Ս. Գեղարդը, Այրիվանք-Գեղարդավանքի կործանումից ու լքվելուց հետո, XVIII դ. վերջին փոխադրվում է Էջմիածին: Թե որոշակի երբ է տեղի ունեցել այն, հայտնի չէ:

Ս. Գեղարդի հրաշագործությունների մկատմամբ մեծ հավատ են ունեցել ոչ միայն Կովկասի հայերը, այլև օտարազգիները՝ վրացիներ, մահմեդականներ և այլն, ու մեծամեծ դժբախտությունների ժամանակ (ժանտախտ, համաճարակներ և այլն) միշտ դիմել են մրա հրաշագործ զորության օգնությանը: Օրինակ, 1797 թվականին, երբ Թիֆլիսում սկսում է մոլեգնել ժանտախտը, վրաց Գեորգի թագավորը խնդրանքով դիմում է ժամանակի Հայոց Կաթողիկոսին՝ Գեղարդը Թիֆլիս տանելու թույլտվությամբ:

Էջմիածնից երբ Գեղարդը երկու եպիսկոպոսի ուղեկցությամբ տարվում է Թիֆլիս, ականատեսների վկայությամբ համաճարակը շուտով վերանում է: Հավատալով այդ սրբության հրաշագործ զորությանը, շերտետանդ վրաց թագավորը կամենում է ընդմիջտ պահել Գեղարդը իր մայրաքաղաքում և տարիներ շարունակ չէր շտապում վերադարձնել Էջմիածին: Նույնիսկ մա առիթը բաց չէր թողնում՝ հիմնավորելու իր այդօրինակ վարմունքը:

Այսպես, 1799 թ. կաթողիկոսական ընտրության շրջանում Էջմիածին են գալիս վրաց թագավորի և Թիֆլիսի հայոց պատվիրակներն ու պահանջում միաբանությունից, որ Հով-

⁶² Ալիշան, Այդարատ, էջ 348:

⁶³ Անդ.:

⁶⁴ Հովհ. Հակոբյան, Ուղեգրություններ, հտ. 2, Երևան, 1934 թ., էջ 349 – 350:

սեփ Արդյությանին անպայման ընտրեն կաթողիկոս՝ սպառնալով, որ հակառակ դեպքում «Ս. Գեղարդը չեն վերադարձնի Աթոռին»:

Սա այնպիսի սպառնալիք էր, որ իրարանցում առաջացրեց միաբանության մեջ: Վերջիններս հուսահատված կրկին ժողով են գումարում և որոշում ընտրելի համարել ինչպես Դանիել Պատրիարքին, այնպես և Հովսեփ արքեպիսկոպոսին, ու այդ մասին շտապ հաղորդում են Պոլսի հայությանը՝ թողնելով նրանց կամքին՝ ընտրել երկուսից մեկին, որին կամենան:

Հովսեփ Արդյությանի տարածած և մտորումների տեղիք տվող մահվան պատճառով, կաթողիկոսի ընտրության խնդիրը ձգձգվեց, և Ս. Գեղարդի՝ Էջմիածին վերադարձնելը դրվեց կասկածի տակ: Այդ ժամ Թիֆլիսի հոգևորականներից մեկը՝ Հովհաննես եպիսկոպոսը, ստիպված Թիֆլիսից գիշերով գողանում է Ս. Գեղարդը և գաղտնի, մեծ դժվարությամբ հասնելով Էջմիածին, որի համար արժանանում է «Հովհաննես Գեղարդակիր եպիսկոպոս» պատվանունին:

Գեղարդը մնաց Էջմիածնում մինչև 1805 թվականը, երբ իշխան Ցիցիանովն անհաջող փորձ կատարեց Երևանը պարսիկներից գրավելու, բայց վերահաս ձմեռը, զորքի մեջ տարածված հիվանդությունները և սննդամթերքի պակասը ստիպեցին նրան դադարեցնել պաշարումը և վերադառնալ Թիֆլիս: Վերադարձի ճանապարհին Ցիցիանովի հրամանով Էջմիածնի վանքից, մի շարք հարստությունների թվում, Թիֆլիս է տարվում նաև Ս. Գեղարդը՝ պատճառաբանելով, թե իրենց հեռանալուց հետո պարսիկները կթալանեն Մայր Աթոռի սրբությունները:

Այս մասին տեղեկություն է հայտնում նաև Նապոլեոնի դեսպան գեներալ Գարդանը: 1807-08 թթ. իր ճանապարհորդության նկարագրությունում Արարատի մասին գրելիս ասում է. «Այս լեռան ստորոտումն է գտնվում Էջմիածնի վանքը, թուրքերն անվանում են Ուլ-Բիլիսա: Ռուսները երբ 1805-ին գրավեցին Էջմիածինը, թալանեցին եկեղեցին, գանձարանը և մատենադարանը: Ավելի ուշ, երբ պարսիկները վերագրավեցին, գրքերից փանփուշտներ պատրաստեցին և տպարանի տառերը հալեցնելով գնդակներ շինեցին»⁶⁵:

Գեղարդը մնաց Թիֆլիսում մինչև 1810 թվականը: Այն ժամանակ, երբ Ռուսաստանի հայոց թեմի առաջնորդ Եփրեմը կաթողիկոս ընտրվեց, Էջմիածին մեկնելիս Թիֆլիսից իր հետ տարավ նաև Մայր Աթոռին պատկանող սրբությունները, որոնց թվում և՛ Ս. Գեղարդը: Բայց հաջորդ՝ 1811 թվականին նորից ժամտախտ է բռնկվում Թիֆլիսում, և տեղի հայերի ու գեներալ Տորմասովի միջնորդությամբ Գեղարդը նորից է տարվում Թիֆլիս ու այնտեղ պահվում մինչև համաճարակի ավարտը:

Բոլոր դեպքերում 1813 թ. Ս. Գեղարդն արդեն Էջմիածնում էր, որովհետև այդ թվականին անգլիացի դիվանագետ Ջեյմս Մորիսը Երևանում եղած ժամանակ այցելում է Էջմիածին հանդիպելու Եփրեմ կաթողիկոսին ու, նկարագրելով Մայր Տաճարում իրեն ցույց տրված ընդունելության մանրամասները, մասնավորապես գրում է. «Ապա նրանք մեծ արարողությամբ մեզ ցույց տվին եկեղեցու թանկագին մասունքները: Առաջինը և ամենագլխավորը ասում էին, թե գլուխն էր այն միզակի, որով հողմմեացի զինվորը ծակեց մեր

⁶⁵ Նույն տեղում, էջ 101:

Տիրոջ կողքը: Երբ բերին այն ու դրին խորանի վրա, բոլոր հայերը խոր խոնարհեցին իրենց գլուխը: Նրա ձևը այսպես էր (հեղինակը զետեղել է Գեղարդի պատկերը), մոտ մեկ ոտք երկար: Այս մասումը, որի վրա մրանք մայում են որպես իրենց ունեցածներից ամենաառաջինի վրա, բացի ուրիշ հրաշքներից, ասում են, թե կարող է կասեցնել ժանտախտի տարածումը. մոր էր այնտեղ բերված, որովհետև հիշատակված չէ այն բաների մեջ, որ Ծարդենը տեսավ (Հեղինակը տալիս է հետևյալ ծանոթագրությունը.- Նախապես պահում էին դա Գեղարդի եկեղեցում, ասում են, թե շինված հատկապես դրա համար, բայց [վաճառ], լքված լինելով, միգակի գլուխը փոխադրված է Էջմիածին»⁶⁶:

Այնուհետև հաջորդ՝ 1814 թ. կրկին Թիֆլիսում ժանտախտ է տարածվում: Թիֆլիսի կառավարիչ գեներալ Ռտիշչևի խնդրանքով Եփրեմ Կաթողիկոսը Գեղարդում ուղարկեց այնտեղ, որտեղից միայն 1815 թվականին ետ վերադարձվեց Էջմիածին: Այդ մասին տեղեկանում ենք ծագումով անգլիացի, մկարիչ և հնագետ Ռոբերտ Քեր Փորտերի 1817 թ. մոյնեբերին Թիֆլիսից Էջմիածին կատարած իր ճամփորդության գրառումներից⁶⁷:

Ուղեգրության հեղինակը մանրամասն խոսում է Գեղարդի մասին, պատմում է, թե որ երկրներում կան գեղարդներ, հիշատակում է միջնադարյան աղբյուրները և ենթադրում, թե այս գեղարդը Կոստանդնուպոլսից է բերվել Էջմիածին, և այլև: Հաջորդ այցելության ժամանակ, որ մա կատարել է 1819 թ. հոկտեմբերի վերջին, գրում է. «Նրա գանգը (Ս. Հովսիսիմեի) Ս. Գրիգորի աջի հետ պահվում է մի արծաթյա տուփում՝ Էջմիածնի ամենամկրական մասունքների հետ, Գողգոթայի Գեղարդի գլուխը, որ ավելի է հարգվում, քան սրանք, բոլորը միասին դուրս են բերվում ժողովրդի առաջ հանրային մեծ աղետների առթիվ: Այսպիսի մի պատճառով, ես մորից չկարողացա տեսնել Գեղարդը, որովհետև մի քանի օր առաջ ուղարկված էր Երևան՝ ամոքելու համար Երևանի բնակչության մեջ ավեր գործող մի սոսկալի շերտ»⁶⁸:

1828 թ. ռուս-թուրքական վերահաս պատերազմի ժամանակ, երբ ռուսական զորքերը գրավում են Բայազետը, սեպտեմբերի կեսերին քաղաքում սկսում է մոլեգնել ժանտախտը, որը սպառնում էր ոչ միայն տեղի բնակչությանը, այլև զորքին: «Լավ ճանաչելով տեղացի բնակչության բնավորությունը, գրում է մի ռուս հեղինակ, - իշխան Շավաճվաճեն աշխատեց ներգործել մախ և առաջ ժողովրդի բարոյական և հոգեկան ուժի վրա և դրանով ավելի լավ հասավ իր նպատակին, քան թե կարանտինական խիստ հսկողությամբ: Նրա հրամանով բերեցին Էջմիածնից Ս. Գեղարդը, և կականատեսները պատմում են, որ ամենուրեք, ուր որ տանում էին այդ սրբությունը՝ թե՛ հիվանդանոցներում, թե՛ մասնավոր տներում, և թե՛ քաղաքիս վարակված թաղերում՝ ցավն անմիջապես դադարում էր: Ժողովուրդը սրտանց հավատում էր այդ սրբության փրկարար զորությանը: Եվ ժողովրդի հավատը փրկում էր նրան»:

Իրոք որ արդեն հոկտեմբերի վերջերին Բայազետում և նրա շրջակա գյուղերում դադարում է ժանտախտը, իսկ Ս. Գեղարդը հագիվ էր վերադարձվել Էջմիածին, երբ լուր

⁶⁶ Նույն տեղում, էջ 328-29:

⁶⁷ Նույն տեղում, էջ 756-57:

⁶⁸ Նույն տեղում, էջ 815:

խնդրանքն է Ներսես Աշտարակեցի Կաթողիկոսին՝ հետևյալ բովանդակությամբ. «Ձերո Վեհափառութիւն, ողորմած հովուապետ: Ձեր Վեհութեանը յայտնի է, որ խօլերան ջարդ անելով Պարսկաստանում, այժմ մերձենում է մեր սահմաններին: Ձեր Սրբութեանը մամապէս յայտնի է, որ գեներալ Ռոիշչէվի Վրաստանը կառավարած միջոցին երկրիս մէջ սաստկացած էր ժանտախտը և այդ ցաւը վարակում էր՝ հիւանդներին կամ մոցա իրերին դիպչելովը: Այնուամենայնիւ, Ռոիշչէվը, հակառակ բոլոր բժշկական դատողութեանց, կատարեալ հաւատով թոյլատրեց բերել Էջմիածնից Գեղարդը...: Չմայելով որ ահագին բազմութիւն էր դիզուել և մարդիկ ակամայից միմեանց շփվում էին, ցաւը ոչ միայն չտարածուեց, այլև վերջացաւ: Իսկ խօլերան չէ վարակում՝ հիւանդին մերձեցողին կամ հետը բնակչուողին, այլ օդի մէջ լինելով անտեսանելի կերպիւ է հարուածում...:

Ես դառնում եմ Ձեր Վեհափառութեանը ոչ իբրև պետ երկրիս քաղաքական վարչութեան, այլ որպէս Ձեր ծանօթ Պետր Ամսոնովիչը և խոնարհաբար խնդրում եմ՝ արդեօք Նախիջևանի և Երևանի գաւառներում խօլերա երևցած միջոցին յարմար և կարելի չէ՞ք համարիլ Դուք, որ Ս. Գեղարդը պատշաճաւոր բարեշքութեամբ պտտցնուի այն հայ գիւղերում, ուր կլինի ցաւը: Ես բոլորովին հաւատացած եմ, որ հիւանդութիւնը ոչ միայն կը քչանայ, այլ և բոլորովին կը կտրուի: Այդ կարող եմ տեսնել մահ մահեղականը, և հաւատալ: Երանի և մոցա, որոնք չհաւատացողներին հաւատքի կը բերեն: Իսկ եթէ որևիցէ պատճառով այդ կը համարէք անկարելի կամ հակառակ եկեղեցական կանոնաց, այն ժամանակ խնդրում եմ Ձեր Սրբութիւնից թողնէք այս միայն ի գիտութիւն Ձեր և մամակս ամբողջապէս այրէք: Այլ ես կը մնամ հաստատ հաւատով և յուսամ փրկութեան...: Խոնարհագոյն ծառայ Պետր Լադիմսկի»⁷⁰:

Այս մամակ-խնդրագրին որպէս պատասխան Ներսես Աշտարակեցու թույլտվությամբ Ս. Գեղարդը եպիսկոպոսների ու վարդապետների ուղեկցությամբ 1846 թ. պտտեցնում եմ Նախիջևանի և Երևանի գաւառների համապատասխան գյուղերում, ապա 1847 թ. այն տարվում է Թիֆլիս ու մույն տարում էլ վերադարձվում Էջմիածին: Սա վերջին դեպքն էր, որ Ս. Գեղարդը դուրս տարվեց Էջմիածնից և, որքան մեզ հայտնի է, մույնիսկ 1915-20 թթ. Երևանում բռնկված ժանտախտի ժամանակ Ս. Գեղարդը Մայր Աթոռի գանձատնից չհանվեց: Այսօր էլ Ս. Գեղարդը, իր պահարանով հանդերձ, պահվում է Մայր Տաճարի թանգարանում և համարվում Ս. Աթոռի ամենահեղինակավոր մասունքներից մեկը:

⁷⁰ Ա. Երիցյան, Ամենայն Հայոց Կաթողիկոսությունը..., էջ 411-12: